



**Quæstionum Canonicarum, In Quinque Libros
Decretalium, Tomus ...**

In Librum I. Decretalium, Per quadraginta, & tres Titulos distributum, in
quo agitur De Constitutionibus, Seu Legibus universim ...

Krimer, Ferdinand

Augustæ Vindelicorum, 1706

§. IV. An, & quando error in termino demonstrante, vel taxante, vitiet
rescriptum?

[urn:nbn:de:hbz:466:1-73031](#)

scribatur, & rescribatur oratoribus, multoties est damnosa, & periculosa. Hinc et si verum sit, quod delegatus non debeat rescriptum extendere ad casus non expressos; nec etiam aliter interpretari, quam verba sonent, ut dicitur in cit. c. Cùm dilecta; id tamen intelligitur, ubi non constat, aliam esse intentionem concedentis, quam verba sonent; secùs, ubi fecit, vel justè præsumitur, vitium esse in verbis ex sola culpa, vel incuria, aut errore scribentis. Tamen si enim verum sit, & formam, & fines mandati esse diligentissimè custodiendos; at formam mandati constitui ex nudis verbis, contrarijs intentioni mandantis, & solum ex errore scribentium mutatis, aut falsatis, omnino negatur.

1457. Unde, quando dicitur, quod delegatus, et si certus sit de errore scriptoris, id præcisè debeat exequi, quod sibi in manda-to committitur, ut vult de Justis cit. l. 1. c. 4. à n. 49. distinguendum est: id præcisè debet exequi, quod sibi ex intentione mandantis verâ, & cognitâ committitur, C. ex intentione mandantis, per scriptoriis errorem falso expresso, N. nec enim verba curanda sunt, ubi constat de mente loquentis.

§. IV.

An, & quando error in termino demon-strante, vel taxante, vitiet re-scriptum?

1458. Cùm quandoque in rescriptis ex errore capponantur quidam termini per modum demonstrationis, vel taxationis, quæstio est, an rescripta exinde vitientur, quod ejusmodi terminus non verificetur, sed falso contineat. Ut res intelligatur, not. verba, seu terminos appositos, censem, appositos causâ taxationis, quando sub una tantum conceptione verborum sit rei expressio, ut si dicatur: lego Titio centum aureos, quos mihi debet Cajus; si autem sub diversis verborum conceptionibus expres-sio fiat, censem appositos causâ demonstra-tionis, ut si Pontifex alicui conferens be-neficium dicat: confero Titio beneficium S. Crucis, in Cathedrali Secoviensi, vacans per obitum Sempronij, quod est de jure pa-tronatus Caj.

1459. In his exemplis & quidem in primo,

ubi Testator Titio legat centum aureos, & apponit hæc sola verba, quos mihi debet Cajus, quin alijs etiam verbis idem exprimat, legatum exprimitur sub ea sola verborum conceptione; seu forma, nimur illos centum, quos debet Cajus: & ideo censetur apponi causâ taxandi centenarium aureorum, ut non intelligatur de quo-cunque (cùm forte habet plures centenos aureos) sed de illo, quem ei debet Cajus; unde si Cajus ei nihil horum debet, falsus evadit terminus taxans legatum; & hoc evadit nullum: econtra in secundo benefi-cium per plures verborum formas exprimitur: nempe. 1. per hanc, quod dicatur in tali Ecclesia sub tali titulo; 2. quod in Ecclesia vacans per obitum Sempronij; 3. quod in tali Ecclesia de jure patronatus Caj; si is in ea non sit Patronus plurium; quibus positis:

Ad quæstionem propositam respondet Sanchez l. 8. matr. D. 21. n. 36. quando erratur in qualitate per modum taxationis adjectâ, rescriptum per hujusmodi errorem vitiare; non autem si contingat error in qualitate adjectâ solûm per modum de-monstrationis. Idem teneri à Layman cit. c. 22. n. 26. refert de Justis cit. à n. 47. & seq. Verum hæc ratio, & modus distinguendi taxationem non videtur posse admit-ti universaliter in rescriptis matrimoniali-bus. Nam rescriptum mandantis alicui, ut dispenset cum oratoribus v. g. in secun-do gradu consanguinitatis, in quo se im-peditos scriperunt oratores, validum est, licet in re sint tantum in tertio; & hoc, non obstante, quod consanguinitas taxa-ta, seu expressa sit, sub unica verborum conceptione, seu forma, nempe in secun-do gradu; ac terminus taxans non verifi-cetur.

Ex hoc sequitur 1. quod error in nomi-ne non vitiet rescriptum, quando constat de persona, cui Pontifex concedit gratiam, sive vocetur Titius, sive Cajus. Nam æquus dispensator respicit meritum cau-sæ, propter quam confert gratiam, ut re-ctè observat Sanchez cit. D. 21. num. 37. idem dicendum vult de Justis n. 55. si er-ror contingat in pronomine oratorum, nisi dispensatio sit in forma pauperum, de qua egimus l. 4. à n. 220. ne locus sit per frau-dem declinandi taxam, quæ veris paupe-ribus, non autem alijs remittitur. Sequi-tur

tur 2. quod error in expressione loci non vitiet rescriptum, nisi ubi certus locus est exprimendus de necessitate, ut, cum petitur dispensatio in aliquo impedimento matrimonij, propter angustiam loci. Tunc enim eximi debet locus originis, cum habeat rationem causae finalis; de quo ex professo agimus l. 4. à n. 2071. In alijs autem solum requiritur expressio diœcessis, de quo pariter dictum est lib. 4. à n. jam cit.

1462. Circa hoc autem not. 1. à Vincentio de Justis l. 1. in praxi dispens. matrim. c. 4. n. 69. tradi, quamvis Papa cum eadē facilitate dispensationem committeret Ordinario domiciliij Oratorum, si hoc in supplicatione sibi porrecta expressè petitum fuisset; nihilominus, quando id non fuit petitum, Papam semper intendere dispensationem committere Ordinario originis oratricis, ut se conformet dispositioni Concilij Tridentini sess. 22. de reform. c. 5. ubi decernitur, hujusmodi dispensationes Ordinario oratricis esse committendas; qui tum ibi, tum paulo ante notaverat, per Ordinarium oratricis, hic intelligi Ordinarium originis; non domiciliij. At cit. loco Tridentini nihil aliud habetur, quam dispensationes, extra Romanam Curiam, committendas esse Ordinariis illorum, qui eas impetraverint: sed, licet hic Concilium non determinet, an hoc intelligat de Ordinario originis, vel habitationis, & sic videatur sufficere, quilibet ex illis Ordinariis, prout tenere videtur Sanchez l. 8. d. 35. n. 5. apud Corradum mox citandum c. 5. n. 25. Sententiam tamen Vincentij, independenter à Tridentino apud eundem loco cit. tenent Parisius de resignat. Benefic. l. 8. q. 7. n. 46. Rebuffus, Merolla, & alij. id, quod etiam expressè tradit Pyrrhus Corradus in praxi dispensat. Apost. l. 7. c. 5. causam reddens ibid. n. 26. quia mens ipsius Pape, ejusque Concellarie ex inconcuso stylo, usu & ordine committendi harum dispensationum literas, est semper earundem executionem committere Ordinario oratricis; hoc autem intelligi de Ordinario Originis habetur ex eod. dict. l. 7. c. 7. n. 8. ibi: quod si contingat aliquid quando à sollicitatoribus in urbe, ignorati locum, unde Oratores orti sunt, ne propterea expeditio differatur, absque eo, quod apponatur locus, sufficit narrare, quod, cum dicta oratrix in locis, ex qui-

bus ipsa, & Orator predictus orti existunt, in dicta diœcesi existentibus, etiam de uno ad alium se transferendo, propter illorum angustiam, virum sibi non consanguineum &c. sicut etiam dicitur, quando narratur, oratricem domicilium contraxisse in alio loco, etiam alterius diœcessis, tunc enim perenda etiam est dispensatio ob angustiam utriusque loci, scilicet originis, & domiciliij; sic Corradus cit. qui sub Paulo V. pluribus annis fuit de Collegio Dominicanorum Officialium, tam matrimonialium, quam aliarum dispensationum in Cancelleria Apostolica, qui eod. lib. 7. c. 5. à n. 30. clarissime tradit in casu à me positō, exigi mentionem de Diœcesi originis, & huic originis Ordinario censeri dispensationem committi, quando noti petitur, ut fiat Ordinario habitationis.

Not. 2. expressionem diœcessis oratorum 1463. necessarium esse non solum in imprecatiōnibus dispensationum matrimonialium, sed etiam aliarum gratiarum; sic de Justis cit. n. 67. cum Sanchez l. 8. mutr. D. 21. n. 39. intellige autem de diœcesi originis, non domiciliij, propter rationem in num. preced. sed cum apposita ibidem limitatio-ne. Et omnino probabilius est, rescriptum vitiari per errorem in diœcese, si ex eo procedat voluntas concedentis; hæc enim fertur in diœcesanum, sibi expositum; he mandatum Pontificis trahatur ultra intentionem mandantis, contra L. Non omnis, ff. si certum petatur; lecus si error solum sit scribentis unam pro alia, si in verâ diœcesin consensit Papa, ex dictis n. cit.

Sequitur. 3. mentionem de qualitate 1464. oratorum (v. g. an sint nobiles, an de genere nobili procreati, an illustres, vel Principales, aut ex Principalioribus oppidi, an saltem ex honestis familijs?) duabus tantum casibus esse necessariam. 1. si talis qualitas allegetur, tanquam causa finalis, de qua n. 1445. Deinde, si supplere debet aliam, quæ alias apposita fuisset, & probanda corā delegato, qualis est clausula: ob angustiam loci, cum altera: & se si extra &c. de quibus V. lib. 4. à n. 2071. Sequitur 4. non vitiari rescriptum, si labo-rans pluribus impedimentis v. g. voto, & affinitate, successivè, super singulis impre-trat rescriptum; esto non proponat simul omnia in una supplicatione; ita Navarrus l. 4. consil. tit. de Consil. consil. 1. Sd. V. Di-

R r 3 dispense-

ffensatio, n. 16. Salas, de legibus D. 20.
Sect. 5. & alij.

1465. Contrarium sentire videtur de Justis
cit. l. 1. c. 4. à n. 87. quando tendunt ad
unum finem v. g. obtinendam dispensati-
onem matrimonialem, & sunt ejusdem
rationis, & utrumque publicum est v. g.
duplex consanguinitas, vel affinitas. Ra-
tio ipsius est, quia plura impedimenta, e-
jusdem rationis, tendentia ad unum fi-
nem, uno alterum augente, fortius ligant,
quam unum; & Papa difficilius dispensat
cum habente plura impedimenta, quam
unum. 2. quia plura impedimenta simul
conficiunt quandam indecentiam, ac re-
pugnantiam cum matrimonio contrahen-
do, majorem, quam singula.

1466. Verum & ad 1. ex eo, quod Pontifex
in aliquo casu *difficilius*, seu non æquè fa-
cile dispensaret, si notitiam haberet alicu-
jus circumstantiæ, quæ tacetur, non argui
nullitatem rescripti, si nihil eorum omis-
sum sit, quæ necessariò exponenda sunt,
ut constat ex dictis; & expressè tenet ipse
de Justis cit. n. 10. & seq. Deinde plura
impedimenta *diversæ rationis* esto ten-
dant ad eundem finem, possunt *successivè*
exponi non obstante, quod fortius ligant
in multipli specie vinculi, ut fatetur de
Justis cit. n. 93. cur ergo, si sint *eiusdem*
rationis, & constituunt unum duntaxat
specie impedimentum, cum sola distinc-
tione in numero. Ad alterum & repu-
gnantiam, quam relata ad matrimonium,
habent plura impedimenta *eiusdem ratio-*
nis, quæ sunt juris tantum Ecclesiastici,
non esse ex natura rei, seu naturalem; sed
tantum legalem, nimurum ex dispositione
juris, hæc autem major est, ubi concurrunt
plura diversæ rationis, ac distinctæ speciei,
quam distincta solo numero; & tamen il-
la possunt successivè proponi.

1467. Dices: sic exigi de stylo Curiae, ut si-
mul eadem supplicatione exponantur, es-
to sint *eiusdem rationis*, si tendant ad e-
undem finem ineundi matrimonij; sic de
Justis cit. n. 89. in fin. & stylum Curiae,
cum sit quid facti, egere probatione; &
dato etiam, quod probaretur, adhuc non
inducere necessitatem alijs Judicibus, &
Tribunalibus extra Curiam, illum servan-
di, aut sequendi, nisi hujusmodi stylus sit
scriptus, probatus, notorius, & speciali
decisione, ac declaratione Pontificis confir-

matus, prout in his ipsis terminis docet de
Justis cit. l. 1. c. 4. à n. 344. & apud eum
Cævallos qq. comm. *Contra. comm.* q.
737. n. 2. Ferretus, Gratianus, Boëtius,
& alij, cum stylus maximè variabilis sit,
ita ut ad mutationem Papæ, & Auditio-
rum varietur; unde dictum stylum, mo-
dò *album*, modo *nigrum* appellant Parisi-
sius, Gomes, Cævallos, & alij ibidem ci-
tati; & ideo pro stylo accipi debere juris
interpretationem docet Loether. *de re bene-*
fici. in Apparatu n. 74. at stylum, pro casu
præsenti allegatum, nullatenus probat de
Justis, prout illum esse debere exigit hic
Author; ergo per illum nihil probat.

§. V.

An rescriptum vitietur, non facta men-
tione impetrati prius rescripti
super eadem re?

IN tribus tantum casibus necessariam
esse mentionem prioris dispensationis
obtentæ, docet de Justis n. 105. 1. quando
casus est à jure expressus. 2. quando ca-
mentio necessaria est, ut concedens non
ignoret totum impedimentum, super quo
dispensatio petitur. 3. quando in secunda
dispensatione petitur major gratia super
eo, in quo prius quis fuit dispensatus. Ex-
emplum primi est, si Clericus dispensatus
ab obligatione residendi quinquennium,
cum jure interim percipiendi fructus, de-
inde super eadem re peteret novam gra-
tiam. Secundi, quando dispensatus in vo-
to, ut possit inire matrimonii, soluto ma-
trimonio peteret dispensationem iterum
ineundi matrimonium. Tertijs, quando il-
legitimus dispensatus ad beneficium, pe-
teret dispensari in pluralitate beneficiorū;
sic de Justis cit. n. 105.

Verum hæc doctrina hujus Authoris ab
alijs non admittitur sic *indefinitè*. Nam
secunda dispensatio majoris gratiæ super
eadem re, super qua quis ante dispensatus
fuit, valida est, licet nulla mentio primæ
facta sit, si allegata fuit nova, & sufficiens
ad illam obtinendam causâ, si Pontifici
mentione prima dispensationis factâ, ex
illa motus nihilominus consensisset; ratio
est ex n. 1466. ita Sanchez l. 8. matr. D. 22.
n. 12. & complures alij. Secundò, qui im-
petravit dispensationē ineundi matrimo-

nium